



ARSAQA-
TIGITTA

KAK

Kalaallit Arsaattartut Kattuffiat
2026-mit 2029-mut periusissiaq



ARSAQATIGIITTA

Arsaanneq aqutugalugu ataatsimoorneq.
Ukioq naallugu – nuna tamakkerlugu



Siulersuisut sinnerlugit

KENNETH KLEIST - KAK-mi siulittaasoq

Periusissiaq assigiinngitsunik peqataatsinikkut suliarineqarpoq, soqutigisallit assigiinngitsut, soorlu klubbit, kajumissutsimik suliaqartut, politikerit, suleqatigisartakkat, sungiusaasut allallu peqataatinnegarsimapput. Periarfissaq una atorluarlugu peqataasimasut qutsavigerujussuarpakka.

Arsaanneq aqutugalugu Kalaallit Nunaanni katersuutsitsiniarpugut

Nunarsuarmi Kalaallit Nunaannilu arsaanneq timersuutaavoq inunnik katersuutsitsinerpaaq. Siunissamilu tamanna aamma angorusupparput. Taamaaliussagutta ersarissumik iliuuseqartariaqarpugut. Piffissami matumani KAK-mi ilaasortat amerliartunngillat, aammalu sumiiffinni nukissanik unamminartorsiortoqarluni. Sungiusaasut, dommerit kajumissutsimillu suliaqartut nunatsinniittut ersarissumik aqqjissuussinikkut, iliuutsikkut sakkussanillu atuinikkut tapersorsoneqartariaqarpugut. Aggvaqatigiissillugu innuttaasoqassuseq eqqarsaatigalugu Kalaallit Nunaanni arsaartartut amerlassusaat nunarsuarmi amerlanerpaat tulleraat. Innuttaasut amerlassusaat eqqarsaatigalugu allat Kalaallit Nunaannit arsaannerusut tassaapput Tuluit Nunaanneersut. Arsaannermik ingerlatsinerput pitsaaqisoq aallussiffioqisorlu usorineqartaqaaq, nunarpullu arsaattoqarfiusutut attatiinnarniarutsigu ineriartortinniarutsigulu suleqatigiittariaqarpugut.

Meeqqat, inuusuttut, aallussisut siammasissuserlu salliunniarpugut

Meeqqat, inuusuttut, sungiusaasut, aqutsisut, dommerit klubbillu ineriartornissaat piffissamik atuiffiniarpugut. Aqqjissuussinikkut arsaannerup silarsuaan appakaakkusuttut amerlanerulersissavagut. Ilisimavarput nivarsiaqqat nukappiaqqanun sanilliutissagaanni nukappiaqqat arsarussuttut amerlanerujussuusut. Meeqqat inuusuttuarangoraangata annaasarpagut,

nunatsinnilu assigiinngitsunik iliuuseqarnikkut taakkua qaangerniassavagut. Meeqqat inuusuttullu sulisutiginerisigut, Kalaallit Nunaanni isumannaallisaaneq aammalu tarnikkut timikkullu peqqjissuseq pitsanngorsaaqataaffigissavagut. Suliani pingaartitassaq tassaavoq kikkulluunniit arsaannissaannut atortorissaarutit periarfissallu pitsanngorsaaffiginissaat. Tamannalu anguniarlugu Airdomes atuutilersinneqassapput aammalu kommunit suleqatigineratigut illuutit pitsanngorsaaffigineqassallutik.

Ataatsimoorneq nukittorsassavarput

Arsaanneq ataatsimoorfiuvoq. Inuillu ataatsimoorfinnut peqataarusupput. Taannalu tassa isiginiagassarpugut, meeqqat inuusuttullu eqqarsaatigineqartillugit aammalu klubbit aqutsisui kajumissutsimillu sulisui ulluinnarni haalini arsaaffinnilu nassaassaasut eqqarsaatigalugit. Ataatsimoorneq arsaanneq futsalernerlu aqutugalugit nukittorsarneqassaaq. Arsariaatsit taakkua ataatsimoorinneqassapput, suleqatigiinnerlu nukittorsarneqassalluni aammalu suliffeqarfik nukittorsassavarput arsaariaatsit immikkut anguniagassaliuullugit. Tamannalu klubbini nunanullu allanut unammisartuni arsaattartunut sungiusaasunullu iluaqutaassaaq.

Pitsaanerorusuppugut

Nunanut allanut unammisartut nunani allani ilutsit assigalugit ingerlassaaq unammillersinnaassuseqassallutillu. Nivarsiaqqanun nukappiaqqanullu nunanut allanut unammisartuliussaagut, aammalu arnanut angutinullu nunanut allanut unammisartoqassalluta. Kikkulluunniit nunanut allanut unammisartut tujuuluaaraannik atuisinnaalernissartik angusinnaassavaat, aammalu Kalaallit Nunaat nunani allani unammitillugu arsaqataasinnaassallutik. Piffissaq ungasinnerusoq eqqarsaatigalugu Kalaallit Nunaata erfalasuni nammineq atorlugu amerlanerusunik unammisalernissaa angorusuppugut. Aammattaq KAK-mi pitsaanerpaanik suleqateqarnissaq anguniarniarparput, taamaaliornikkut piukkunnaatilinnut sullissineq periarfissaalersillugu, taamaalilluta sinissami kalaallit arsaattartut akissarsiutigalugu arsarsinnaalerniassammata.

Periusissiami **ARSAQATIGIITTA**-mi nuna tamakkerlugu arsaannermi anguniagassanik qaffasissunik pilersitsisimavugut. Taannalu kommunit, Inatsisartut, Naalakkersuisullu peqatigalugit ingerlanneqassaaq, soorluttaaq aamma attaveqarfignulluakkaq DBU-kkut, Timersoqatigiiffiit Kattuffiat aammalu Elite Sport Greenland suleqataajumaartut. Taakkua ataatsimoorluta aallukkutsigit naatsorsuutigilluinnarpara 2030-mi arsaanneq aatsaat taamak pitsaatigisumik inissisimassasoq.



ANGUNIAGAQ & TAKORLUUGAQ

Nalunaarusiat, pappialaatit peqataatsinermilu annertuumi paasisat aallaavigalugit Kalaallit Nunaanni arsaannermi ukiuni tullittuni sisamani (2026-2029) anguniagaq takorluugarlu tullittoq pilersinneqarpoq.

ANGUNIAGAQ



“Ataatsimoorneq, ilorrisimaarneq nunatsinnilu kinaassuseq arsaneq aqqtigalugu inerisarpaqput. Meeqqanut inuusuttunullu, klubbinut, kajumissutsimut suliaqartunut Kalaallit Nunaannilu arsarsinnaanermi sinaakkutit pitsanngorsaaffiginiarpagut kiisalu nunat allat akornanni inissisimanerput inerisarusullutigu.”

Anguniakkap angunissaanut KAK suliaqartussatut inissineqarsimavoq. Suliassaqarfinni assigiinngitsut suliniarnitsinni anguniagassaq tunngavigiuaannassavarput, tassa arsaannerup ineriartornissaq, taannalu aamma sulisunut, kajumissutsimik suliainnut, arsaattartunut, dommerinut suliaqartunullu nunatsinniittunut tamanut ataqatigiissarneqassaaq.

TAKORLUUGAQ



“Arsaanneq aqqtigalugu ataatsimoorneq – ukioq naallugu, nuna tamakkerlugu”

Takorluukkami ersersinniarnearqtoq tassaavoq Kalaallit Nunaanni illoqarfiit, nunaqarfiit, ukioqatigiiaat, suaassutsit tunuliaqutsillu assigiinngitsut akornanni arsaanneq ataatsimoorfiunissaa. Arsaanneq toqqiissisimanassaaq, peqataatsissaaq ineriartortitsissaaq aammalu meeqqanut, inuusuttunut inersimasunullu ataatsimoornermi ineriartuutaassalluni. Arsaannermi isumannaassuseq pitsanngorsarneqassaaq, peqataatsissaaq aammalu atugarissaartitsissalluni, kiisalu inuiattut kinaassutsimut takutitsiffiussaaq, tassani arsaanneq futsalernerlu Kalaallit Nunaannik ataatsimooritsissaaq nukittunerulersitsissallunilu.





TAKORLUUKKAMI TUNNGAVIUSUMIK PERIUSISSAT

Meeqqat, inuusuttut, aallussisut siammasissuserlu

Meeqqat, inuusuttut, aallussisut siammasissuserlu

Meeqqat inuusuttullu tunngaviupput. Isikkamik arsaannermi futsalernmilu suliassat pingaarnepaat tassaassaaq meeqqanut inuusuttunullu avatangiisinik pitsaasunik pilersitsinissaaq.

Taamaalioraanni pinnguarnissamut, atugarissaarnissamut ataqatigiinnissamullu pitsanngorsaasoqassaaq, taannalu aallussisunik isumaginninnerussaaq siammasissuserlu pitsanngorsarneqassalluni.

Arsaanneq peqqissusertut, atugarissaarnertut pinaveersaartitsinertullu

Meeqqat inuusuttullu akornanni timikkut tarnikkullu unammilligassat annertusiartorput. Timersorneq aacqiissutinut atuutissaaq. Aalanerunissamut periarfissiisaagut aammalu ataatsimoorfimmik pitsaasumik pilersitseqataassalluta, tasaanilu meeqqat inuusuttullu inersimasunngornissartik tikillugu arsaannermik ingerlatsissapput.

Ukioq naallugu sammisaqarneq atortullu nutaaliat

Airdomesit aammalu Kalaallit Nunaanni haalit siunissami timersorfissat. Siunissami Kalaallit Nunaanni arsaannermik futsalimillu ingerlatsissagaanni Kalaallit Nunaata silaannaap pissusaa isorartussusaalu unammilligassaapput iliuuseqarfigineqartariaqakkat sanaartorfigisariaqakkallu.

Ukioq naallugu sumiiffinni tamani arsaanneq futsalernerlu ingerlanneqarsinnaassaaq. Kalaallit Nunaanni arsaanneq siammasinnerusumik ingerlanneqassappat, tamanna anguniagassani pingaarnertit ilagaat.

TAKORLUUKKAMI TUNNGAVIUSUMIK PERIUSISSAT

Ataatsimoorneq aamma ataatsimuussuseq

Ataatsimoorneq tunngavittut

Klubbini ataatsimoornerup
ineriartortinnissaa pingaaruteqarpoq.
Kajumissutsimik suliaqartut,
sungiusaasut, dommerit aqutsisullu
ilinniarneq, pikkorissarneq
peqataatinneqarnerlu aqqutigalugit
nukittorsarneqartariaqarpoq
aaqqissuunneqartariaqarlunilu.
Sungiusartoqassappat
unammisoqassappallu taakkartukkat
pingaaruteqarlunnartuupput.





Arsariaatsit marluk, siunertaq ataaseq

Isikkamik arsaannerup futsalernerullu iluani ersarissumik iluaqutit. Arsariaatsit ataatsimoorfiussapput taakkualu peqataatitsillutillu ineriartortitsissapput. Imminnut pitsanngorsassapput illugiillutillu ineriartussallutik imminnullu pitsanngorsaqaqatigiissallutik, kiisalu qulakkeerniassallugu meeqqat inuusuttullu arsaannermi ataatsimoorinneqarnissaat.

Peqataatitsineq, toqqissisimaneq aammalu ataqqeqatigiinneq

Timersorneq toqqissisimaffiussaaq. Nuna tamakkerlugu iliuuseqarnikkut isikkamik arsaannerup iluani kikkulluunniit ineriartornissaannut periarfississavagut. Ataatsimoorluta timersorneq illoqarfimmi nunaqarfimmiluunniit pingaarnertut katersuuffinngortissavarput qanorluunniit suaassusilinnut, ukiulinnut timersoriaasilinnullu.

TAKORLUUKKAMI TUNNGAVIUSUMIK PERIUSISSAT

Pikkorinnerulerneq

Arsaanneq aqqtigalugu inuiaqatigiittut kinaassuseq

Kalaallit Nunaanni arsariaatsip nunani allani malugineqarnissaa. Kalaallit Nunaanni arsarnerup nunani allani malugineqalernissaa, pisortatigoortumik nunanut allanut unamminerulernissaq saqqumilaarnissarlu takorluugaavoq. Inuiaqatigiittut kinaassuserput nunatullu oqaluttuassarput arsaannikkut takutinneqartassaaq.

Suleqatigiinneq

Arsaanneq suleqatigiiffiuvoq. Ilisimavarput timersuut soqutigineqarluartoq ingerlanneqassapput aallussisut arlallit pisariaqartinneqartut. Taamaattumik arsaannerup iluani niuerpalaartumik aammalu pisortatigoortumik suleqateqarnissaaq anguniassavarput, taakkualu anguniakkatta angusinnaanissaannut qulakkeerineqataassapput.

Qaffasinnerpaami arsarneq

Nunanut allanut unammisartut, piukkunnaatillit anguniakkallu qaffasissut. Kalaallit piukkunnaatillit nunani allani unammerusunnerannut aammalu timersuummik akissarsiutigalugu ingerlatsilerusunnerannut anguniagaannut tapersersuissaagut. Taamaattumik piukkunnaatillit pikkorinnerpaat pitsaanerpaamik sinaakkuteqarnissaat sulissutiginiarparput.







Periusissiornermut atatillugu ataatsimiititaliat pilersinneqartut

**Meeqqat & Inuusuttut
Klubbinut kiffartuussineq
Ataqatigiissarineq
Niuerneq
Niviarsiaqqat & Arnat
Airdomes & Nuna tamakkerlugu klubbit
illuutaat
Unammisitsinerit
aaqqissuunneqarnissaat
Dommerit
Nunat allat**

Qujanaq!

KAK – Kalaallit Arsartartut Kattuffiat

Issortarfimmur 8 st. tv.
3900 Nuuk
Grønland

+299557773
kak@kak.gl
www.kak.gl

